



Societas Iesv Amatrix, Cultrix, Imitatrix, Christi Crvcifixi

Sandaeus, Maximilianus

Antverpiae, 1647

107. In quâlibet expeditione, Crucem extollit, præfert, erigendam,
honorandamq[ue] suadet, & ut fiat, obtinet. Patres in Asiâ. Ferdinandus
Osorius.

Nutzungsbedingungen

[urn:nbn:de:hbz:466:1-55449](https://nbn-resolving.org/urn:nbn:de:hbz:466:1-55449)

fuiſſet, horrore concepto graviffimo, ne quid unquam tale committeret, octavo quoque die Divinis ſe communire myſteriis exorſus; poſtremo, tanquam in arcem, in Capucinatorum confugit ordinem, ibique vitam tantæ converſionis celebritate dignam peregit.

Hiſtoria Societ. IESV par. 1. lib. 12. à num. 27. Nicol. Grlandini Iacobus Damianus in Synopſi Societ. IESV lib. 1, cap. 10. §. 2.

VIII.

AMATOR CRUCIFIXI

*In quâlibet expeditione, Crucem extol-
lit, præfert, erigendam, honoran-
dâmq; ſuadet: & ut fiat
obtinet.*

107.
PATRES
in
ASIA.

ANNO M. D. LVIII. multa conti-
gerunt ad hõnorem CRUCIFIXI per
Societatis IESV Patres, qui tunc cura-
bant rem Chriſtianam in Aſiâ, per In-
diam diviſi.

Ternate extrema tolerabantur tem-
pore obſidionis; per cujus moram, cari-
tas primùm annonæ, inde inopia, poſt
fames orta. Acceſſit, ut aſſoler, morbi
genus exitiale, qui pueros præcipuè &
indigenas ſtravit. Expectabatur à Joan-
ne Baccianſi Rege nuper ad CHRISTVM
converſo auxilium, cujus tandem con-
ſpecta eſt claffis. Inprimis agebatur na-
vis in quâ

FER.

AMATRIX CRUCIFIXI. 281

FERDINANDVS OSORIVS præal-
tam statuerat CRUCEM, in eâdemque
ipse qui auxiliarem classem accurave-
rat, vehebatur. In obsidione vel maxi-
mè Sociorum virtus enituit. Semper ex
iis non-nemo in navigiis discursabat,
CRUCEM præferens, & socios navales,
militesque confirmans, inter hinc atque
hinc horrendo sibilo prætervolantes
missos hostilibus tormentis globos. Alii
in urbe militibus animos strenuè adde-
bant, ægrotis solandis operâ & alloquio
nullum non subibant laborem: ut ur-
bem in fide continerent omnes vias
tentabant.

At Regem Baccianensem ad feren-
dum Christianis auxilium, nihil nisi
Ferdinandi adduxit auctoritas. Ubi e-
nim ad eum pervenit statim de exci-
tandis per varia loca SANCTÆ CRUCIS
insignibus cœpit agere. Rex eo se obse-
quentem alacrius præbuit, quod narra-
bat, proximâ nocte, visum sibi in quie-
te Puerum, qui parvam CRUCEM quam
gestabat in capsulâ, porrigens, exhorta-
batur eum, ut caperet, quod ingens, per
CRUCIS opem esset futurus.

Sacro igitur Epiphaniarum die, quod
templum nondum erat extructum, in
extemporariam arborum ramis conser-
tam domum convenère quidam è Ter-
nate Christiani, Lusitani aliquot, Rex-
que

FERDI-
NANDVS
OSORIVS.

que cum suis ad CRUCEM in unum è præfinitis locis deportandam. Ibi Oso-
rius, secundum piam exhortationem,
luteo indutus amiculo Litanias flexis
genibus præit, Regemque omnium pri-
mum ad sustolendam, quæ humi jace-
bat, CRUCEM aggredi jubet.

Sanctum CRUCIS onus alacriter unâ
cum Proceribus Rege subeunte, profe-
quente cælestium salutationem Oso-
rio, ad destinatam ventum est sedem. Hic
suis Rex manibus humum molitur, ac
triumphale statuit CRUCIS signum, cæ-
teris undique genibus humi positis, &
Osorio preces tempori convenien-
tes, elatâ, piâque voce peragente.

Addidit capitale edictum Rex, ni sui
omnes quotidie mane genua ante CRU-
CEM flecterent. Inde reversus ad sua,
Socios Baccianum ad tradendû CHRI-
STI CRUCIFIXI legem latus avexit, &
pia persequi cœpta institit. Hæc in
Asiâ.

*Franciscus Sacchinus Hist. Societ. par. 2. lib. 2.
à num. 182 Iacobus Damianus in Synopsi rer.
Societ. lib. 2. cap. 2. §. 2.*